



Universitätsbibliothek Paderborn

Dei Immortalis In Corpore Mortali Patientis Historia

Stanyhurst, Guillaume

Coloniæ Agrippinæ, 1694

§. II. Potatur felle.

[urn:nbn:de:hbz:466:1-49178](#)

Ivan. 18.

36.

to: Regnum meum non est de hoc mundo. Fateor, non possum regnare nunc in mundo, & postea in cælo, h̄ic indui purpurā & byssō, & postea stolā gloriæ : h̄ic implere ventrem, & postea mentem. Nolo ergo regnum meum sit de hoc mundo, quia nihil est in mundo, nisi malignitas, nihil in mundi felicitate, nisi infelicitas ; nihil in mundi opibus, nisi iniquitas ; nihil in mundi voluptatibus, nisi acerbitas ; nihil in mundi prudentia, nisi soliditas ; nihil in toto mundi regno, nisi vanitas vanitatum, & omnia vanitas, postea vero nihil, nisi malorum omnium æterna æternitas.

§. II.

Potatur felle.

NUllum erat in Christi corpore membrum, quod non perceperat suum tormentum. Afflictæ fuerant aures contumeliis, genæ alapis, facies lputis, oculi velo, nares fœtore, caput spinis, manus funibus, humeri pondere crucis, totum corpus flagellis. Unum adhuc supererat membrum à pœnis immune, lingua. Hæc ergo ut pœnas esset particeps, dederunt ei vinum bibere cum felle mixtum. Gustaverat Adam vetitum fructum, & erat dulcis gutturi ejus : sed cum ad viscera descendit, mordebat ut coluber, & sicut regulus, venena diffudit. Enim verò vix primariis labris gustaverat, & ecce clamabat, quod postea Jonathas: *Gustans gustavi paululum mellis, & ecce morior.* Audiebat hæc magnus ille medicus, & reclamabat; *Quare morimini?* Descendit ad ægtum, ascendit ad montem myrrhæ; sciebat contraria contrariis curanda: bibit vinum felle mixtum, & clamat medicus ad ægrum: *Gustans gustavi paululum fellis, & ecce ritâ rives, & non morieris.* Quid h̄ic prius admirer,

me:

Ezech.

21.31-

medici clementiam, an infirmi malitiam? Deus bonorum nostrorum non eget; & tamen ipse descendit ad nos: at nos illius nimis quām indigemus subsidio, & tamen eum fugimus. Non erat nobis obstrictus, & tamen redemit nos: illi obstricti sumus, & offendimus illum. Debebat nobis ob scelera pœnam, largitus est gratiam; debemus illi ob beneficia obsequium, & rependimus injuriam. Poterat nos deserere, & quæsivit nos; oportet nos illum quærere, & fugimus ab illo. Poterat nos odire, & dilexit; nos obligamur illum diligere, & odimus. Poterat nos relinquere in Ægypto, & introduxit in terram lacte & melle fluentem; & nos damus illi in escam fel. Ipsius clementia nostræ ignovit malitiæ, & nostra malitia cum ipsius certat clementia. Quæ magis digna admiratione, an ipsius bonitas, an nostra iniustas? Altera me confundit pudore, altera me perfundit stupore. Hoc est fel illud amarum, fel draconum, quod tibi proponit homo post tot beneficia, tanta ingratitudo. Cùm tamē nihil sit homini pronius, nil facilius, quām Christo gratū esse pro beneficiis, cui sufficit meminisse beneficiorum. Hoc Christi fel, & absynthium in mel, & vinum convertit. Scio, hæc eloquia, quibus refe-
runtur tua beneficia, dulciora sunt super mel & fa-
vum. Dabo ergo tibi non fel, sed vinum cum mel-
le mixtum, canendo misericordias tuas, referen-
do miseras meas. Venite ergo, audite & narrabo, om-
nes qui timetis Deum, quanta fecit anima mea. Jacebam
in tenebris, & umbra mortis, vir mortis, & filius i-
rae: quia debebam plus quām decem millia talen-
ta; & cùm non haberem quod redderem, traditus
sum tortoribus, quoadusque redderem universum debitum. Venit Deus dives in misericordia

Ingrati-
tudo ho-
minis in
Deum.

Ps. 18. 11.

Ps. 65. 16

Benefi-

cia Dei

in ho-

mines.

Ephes. 2. 3

(com-

(commota sunt enim viscera ejus super miseria
Ps. 17.10. mea) & inclinavit cœlos, & descendit. Cur? Ut meli-
beraret. Unde? A carcere. Quibus pœnis? Äter-
nis. Quo tempore? cùm essem inimicus ejus, quo
pretio? Sanguine suo. Quibus mediis? Tortmen-
tis, ignominia, felle, spinis, cruce, morte. O por-
tentum amoris! ô miraculum clementiae! ô pro-
digium misericordiae! Tantum diligere inimicū,
tantum laborare pro ingrato, tanta & facere, &
pati pro perfido! Ut liberet servum, descendere
Dominum! unde? è throno gloriæ. Quò? Ad fœ-
num, & præsepe. Laborare : à quo tempore ab
infantia. Quoadusque? usque ad mortem. Ex-
pendere, quid? Sanguinem. Quantum? usque ad
novissimam guttam. Pati, quæ? Quidquid finge-
re potest ingeniosa in pœnas crudelitas. Quis est
ille tam peregrinus in homines amor? Quis ille,
& unde tantus favor? Hinc videre hominem
reum, inde offensum Deum. Qui nihil debebat
homini post tot scelera, nisi æterna supplicia: ca-
men stare in monte nudum, saturatum oppro-
briis, potatum felle Sed in vanum laborat huma-
num ingenium, si velit assequi hoc arcanū amo-
ris sacramentum. Debet coli, non potest capi.
Plus potest tuus amor facere, quam potest ho-
mo, qui amatur, concipere. Nec intelligam, nisi
intravero sanctuarium tuum: ibi eructabis my-
steria abscondita à seculo, dum potabis nos non
felle, sed torrente voluptatis, dum inebriabimur
ab ubertate domus Dei.

§. III.

Recusat Christus felibere.

A Rcanum est, & ideo solerter investigandum
A quod sequitur facinus. Admoveat Chri-
stus,